



皇極經世之六 以運經世之七 觀物篇之三十一

經元之甲一

經會之午七

經運之巳一百八十六

經世之子二千二百二十一

經世之子 二千二百二十一

甲子 周威烈王九年魏城少梁

乙丑 秦靈公卒季父立是謂簡公

丙寅

丁卯 魏伐秦韓伐鄭

齊伐晉魏伐中山

戊辰 巳巳

齊田莊子卒子太公和繼趙城平城

庚午

魯元公卒子顯繼是謂穆公

辛未

晉韓武子卒子景侯虞繼趙獻子卒子烈侯籍繼魏伐秦

壬申

韓伐鄭取雍丘魏滅中山楚簡王卒子當繼是謂聲王

癸酉

鄭伐韓取負黍

甲戌

宋昭公卒子悼公購繼趙以田公仲為相

乙亥

齊宣公卒子康公貸繼田會以廩丘叛

丙子

丁丑

晉韓趙魏求為諸侯于周

戊寅

周威烈王崩太子驕嗣位是謂安王楚聲王遇盜卒子款

巳卯

秦攻魏陽孤

庚辰

秦簡公卒子惠公繼韓景侯卒子烈侯繼趙烈侯卒弟武侯立魏文侯以卜子夏段干木為師西門豹為將守鄴吳起為將守西河田成子為相樂羊為將同韓趙伐楚至于乘丘

辛巳

壬午

韓盜殺相俠累

甲申

乙酉

晉烈公卒子孝公繼

丙戌

丁亥

魏伐鄭城酸棗又敗秦軍于注楚伐韓取

巳丑

庚寅

齊田和徙其君康公于海上食一城秦伐六城
韓趙大敗楚師于大梁
魯伐齊于平陸齊伐魏取襄陵

壬辰

癸巳

經世之丑

甲午

乙未

二千二百二十二
齊田和會魏文侯于濁澤求為諸侯魏請于周及諸侯皆許之

周安王十五年秦惠公卒子出公繼韓烈侯卒子文侯繼魏文侯卒子武侯繼趙武侯卒子敬侯繼

田和稱諸侯于齊列于周紀魏攻趙邯鄲

丙申

韓伐鄭取陽城伐宋執宋公于彭城魏城安邑及于垣破齊師于靈丘齊太公和卒子桓公午繼秦庶長改殺出子及其母迎靈公之子于河上立之是謂獻公

丁酉

戊戌

巳亥

庚子

辛丑

壬寅

癸卯

甲辰

齊魏以衛伐趙取剛平

魏敗趙師于兔臺

趙破齊師于廩丘

趙會楚伐魏取棘蒲楚悼王卒盜殺相吳起王子繼是謂肅王誅害吳起者十七家

齊代燕取桑丘

齊康公死于海上齊桓公卒子因齊立是謂威王

晉孝公卒子靜公俱酒繼韓趙衛伐齊至于靈丘

韓文侯卒子哀侯繼趙攻中山戰于房子自公卒共公

乙巳

周安王崩太子喜嗣位是謂烈王魏武侯韓哀侯趙敬侯同滅晉而三分其地以靜公為家人食端一城

丙午

韓滅鄭徙都之趙敬侯卒子成侯繼宋六公卒子辟公繼

丁未

魯伐齊入陽關伐齊至博陵

戊申

魏拔齊薛陵攻趙北藺趙拔魏鄉邑七十三宋辟公卒子

巳酉

魏拔齊薛陵攻趙北藺趙拔魏鄉邑七十三宋辟公卒子

庚戌

韓嚴弒其君哀侯立其子懿侯魏武侯卒公子爭國趙伐魏立公子瑩是謂惠王趙敗秦軍于高安

辛亥

趙伐齊取鄆魏敗趙師于覃懷齊威王烹阿大夫封即墨大夫萬家楚肅王卒弟良夫繼是謂宣王

壬子

周烈王崩弟肅嗣位是謂顯王齊西敗趙魏之師于濁澤趙輸長城魏入觀津魏敗韓師于馬陵

癸丑

趙韓攻周

甲寅

趙韓分周為二

丙辰

魏會韓攻秦不利于宅陽

丁巳

晉攻秦不利于石門魏伐宋取儀臺

戊午

周顯王西賀秦獻公魏與秦會于杜平

巳未

秦獻公卒子孝公繼敗魏師于少梁魏敗韓師于滄

庚申

魏拔趙皮牢

辛酉

周致文武胙于秦孝公東周君惠公卒子傑繼韓趙魏伐齊

壬戌

秦用衛鞅韓懿侯卒子昭侯繼

癸亥

經世之寅

二千二百二十三

甲子

周顯王十二年宋取韓黃池齊封鄒忌為成侯

乙丑

趙會燕于河上會齊于平陸魯衛宋韓朝魏

丙寅

魯共公卒子康公繼齊會趙于郊會魏于平陸會秦于杜平

丁卯

秦攻魏師于元里取少梁魏圍趙邯鄲

戊辰

韓攻東周君取陵觀及邢丘齊田忌孫臏救趙敗魏師于桂陵是年齊始稱王

己巳

秦大良造衛鞅會韓趙之師圍魏襄陵

庚午

韓用申不害為相秦趙伐魏魏歸趙邯鄲盟于漳水之上

辛未

趙成侯卒世子繼是謂肅侯秦開阡陌大築冀室于咸陽自雍徙都之

壬申

癸酉

趙奪晉君端氏徙之屯留秦初為武

甲戌

魯康公卒子景公繼

乙亥

丙子

丁丑

戊寅

周顯王錫秦孝公命為伯齊威王卒子宣王辟彊繼

己卯

諸侯西賀秦

庚辰

齊救韓趙田忌田嬰孫臏大敗魏師于馬陵獲將龐涓及世子申

辛巳

楚宣王卒子威王繼秦奪魏河西七百里魏去安邑徙都大梁

壬午

癸未

秦孝公卒子惠文君繼是謂惠王商鞅奔魏魏不受復入于秦

甲申

秦惠文君夷商鞅族蘇秦入秦不受

乙酉

周顯王西賀秦孟軻為魏卿

丙戌

秦拔韓宜陽魏惠王卒子襄王繼齊宣王會魏襄王于鄆

丁亥

蘇秦會趙燕韓魏齊楚六國之師盟于洹水之上以攻秦至于函谷韓作高門是年楚滅越獲其王無疆盡取其地東開地至浙江魏始稱王田嬰為相

戊子

燕文公卒子易王立韓昭侯卒子宣惠王立楚敗齊師于徐州齊田嬰詐楚故不利齊會魏伐趙又伐燕取十城

巳丑

秦伐魏

庚寅

宋亂公弟偃弑其君代立是謂元王

辛卯

楚威王卒子懷王槐繼魏伐楚取陘山秦伐魏取汾陰

壬辰

癸巳

秦用張儀為相陳軫適楚楚滅蜀魏輸秦上郡

經世之卯

二千二百二十四

甲午

周顯王四十二年齊會魏攻韓之桑丘

乙未

趙肅侯卒子定繼是謂武靈王齊用孟軻為上卿

丙申

孟軻去齊

丁酉

秦始稱王齊宣王卒子湣王地繼秦築上郡塞

戊戌

韓燕稱王楚破魏襄陵八城移兵攻齊秦張儀會齊楚執政于齧桑

巳亥

秦張儀出相魏燕會韓魏二君于區鼠

庚子

周顯王崩子定嗣位是謂慎靚王是年趙始稱王齊封田嬰于薛盜殺蘇秦于齊蘇代復相燕燕易王卒子噲繼子之專國蘇代使齊

辛丑 宋伐楚取地三百里始稱王夫齊交婚

壬寅 魏襄王卒子哀王繼張儀復相秦

癸卯 楚會齊趙韓魏燕攻秦不利齊獨後秦樗里疾大敗六國之師獲將申差及韓魏二公子

甲辰 齊敗魏師于觀津與秦爭雄雌魯景公卒子平公繼秦敗韓師于濁澤韓請割名都秦又伐韓敗韓師于岸門楚救不至燕王噲以國屬子之

乙巳 齊伐燕秦伐趙拔中都及西陽

丙午 周慎靚王崩子延繼是謂赧王稱西周君秦拔義渠二十五城又取韓之石章

丁未 楚齊和親燕亂將市被攻子之不克返攻世子又不克死

戊申 楚攻齊不利秦伐齊楚救不至秦張儀給楚樗里疾攻趙

巳酉 楚懷王大伐秦不利又伐又不利秦庶長魏章會齊韓之師大敗楚師于藍田又敗之于泅水之陽獲其將屈丐遂

庚戌 取漢中地置漢中郡韓宣惠王卒世子倉繼是謂襄王齊以五都兵攻燕燕亂國人立太子平是謂昭王

辛亥 楚屈原使齊秦張儀使楚會楚齊韓趙魏燕六國西事秦至咸陽而秦惠王卒世子武王繼燕起金臺以禮郭隗樂毅自魏至鄒衍自齊至劇辛自趙至

壬子 秦會魏于臨晉張儀魏章適魏樗里疾甘茂為相

癸丑 楚合齊以善韓

甲寅 秦武王會魏哀王于應會韓襄王于臨晉

乙卯 東西二周君相攻楚圍韓之雍氏秦甘茂拔韓之宜陽武王舉周昂絕曠而死國人迎母弟穰于趙而立之是謂昭襄王太后臨朝稱制魏冉專政趙武靈王改用胡服

丙辰 秦復韓武遂嚴君疾向壽為相甘茂適魏

楚絕齊以善秦

楚絕齊以善秦

楚絕齊以善秦

楚絕齊以善秦

丁巳 秦昭襄王會楚懷王于黃棘復之上庸

戊午 齊韓魏攻楚求救于秦魯平公卒子文公賈繼秦取韓武遂拔魏蒲坂

巳未 秦復魏蒲坂會韓于武遂

庚申 楚伐秦不利秦昭襄王會齊韓魏伐楚敗之于重丘

辛酉 齊孟嘗君入秦為質

壬戌 楚懷王放大夫屈原于江濱與秦昭襄王會于武關不復國人迎太子橫于齊而立之是謂頃襄王其弟子蘭為令

癸亥 尹齊歸秦涇陽君孟嘗君自秦逃歸秦會齊魏伐楚取八城趙拔燕中山穰地北至代西至九原

齊會韓魏伐秦至于函谷秦代楚取十六城趙武靈王稱主父會羣臣于東宮廢太子章而授庶子何望是謂惠文王以肥義為之相北畧地南入秦稱使者

經世之辰 二千二百二十五

甲子 周赧王十八年楚懷王于秦逃歸不克

乙丑 楚懷王死于秦楚遂絕秦魏哀王卒子昭王繼齊會韓魏趙宋五國之兵攻秦至鹽氏而還秦與韓魏河北及封陵

丙寅 以和韓襄王卒子釐王繼趙主父滅中山徙其王于膚施封廢太子章于代號安陽君使田不禮為之相

丁卯 秦免樓緩相穰侯魏冉復相率師攻魏趙安陽君及田不禮作難公子成及大夫李兌平之主父死于沙丘宮

秦向壽伐韓拔武始

戊辰 楚與秦復和韓伐秦不利秦左庶長白起大敗韓及諸侯之師于伊闕取城五坑軍二十四萬獲將公孫喜

巳巳 楚送婦于秦秦魏冉免相大良造白起伐魏取垣攻楚拔宛

庚午 秦魏冉復相封陶邑司馬錯代韓軹及鄧

辛未 齊有田甲之難免孟嘗君相魏獻河東地方四百里入秦韓獻武遂二百里入秦趙會齊伐韓

壬申 齊復孟嘗君相秦伐韓拔六十一城

癸酉

齊秦約稱東西帝復罷

甲戌

齊孟嘗君謝病秦昭襄王巡漢中及上郡河北拔魏新垣及曲陽

乙亥

齊滅宋至于泗上十二諸侯鄒魯之君皆稱臣南取楚之淮北侵韓趙魏獻秦安邑秦伐魏之河內攻韓之夏山齊孟嘗君以薛屬魏秦昭襄王會楚頃襄王于宛會趙惠文王于中陽伐齊拔九城

丙子

燕樂毅會秦楚韓趙魏五國之師伐齊大敗齊師于濟西遂入臨菑拔城七十拜樂毅上卿封昌國君留圍齊即墨及莒齊潛王保莒楚使淖齒救齊殺齊潛王于莒莒人立其子法章是謂襄王荀卿行祭酒

丁丑

楚頃襄王會秦昭襄王于鄢秦穰侯伐魏至于國

戊寅

秦昭襄王會韓釐王于新城會魏昭王于新明伐趙拔二城伐韓取六邑

庚辰

楚會魏趙伐秦秦伐楚魏冉復相趙使藺相如入秦獻璧

辛巳

楚割上庸及漢中請和于秦秦白起拔趙二城司馬錯拔楚上庸燕昭王卒子惠王繼以騎劫伐樂毅將樂毅奔趙趙惠文王與秦昭襄王會于澠池藺相如相

壬午

齊田單大破燕軍于即墨獲將騎劫復城七十迎襄王白莒入臨菑封田單安平君秦白起拔楚西陵

癸未

楚頃襄王出奔陳郢陷于秦大良造白起破楚入郢燒夷陵以郢為南郡封起武安君

甲申

秦拔楚巫及黔中作黔中郡魏昭王卒子安釐王繼

乙酉

楚東收江旁十五邑以杆秦秦拔魏二城封無忌信陵君

丙戌

秦兵圍大梁魏入溫請和秦以穰侯為相國韓暴戾救魏不利趙廉頗拔魏房子安陽

丁亥

魏芒卯攻韓不利秦師救韓敗趙魏之師十五萬于華陽魏入南陽請和以其地為南陽郡

戊子

韓釐王卒子恒惠王繼趙取東胡地

己丑

楚黃歇奉太子完入秦為質求平又助韓魏伐燕齊田單拔燕中陽秦會楚韓趙魏伐燕燕惠王卒子武成王繼趙藺相如伐齊

庚寅

秦穰侯伐齊取剛壽以廣陶邑范雎自魏入秦

辛卯

秦師伐韓以逼周

壬辰

秦中更胡傷攻趙閼與趙奢擊之有功封馬服君與廉頗

癸巳

秦拔魏懷城

經世之已

二千二百二十六

甲午

周赧王四十八年秦太子卒于魏

乙未

秦拔魏鄆丘罷穰侯相國及宣太后權以客卿范雎為相封

丙申

齊襄王卒子建繼田單救趙秦以安國君為太子宣太后卒拔趙三城進圍邯鄲趙出長安居為質于齊求救趙勝為相封平原君

丁酉

齊用田單為相秦白起攻韓拔九城

戊戌

楚頃襄王太子完自秦亡歸繼是謂考烈王以左徒黃歇為令若沈春申君封于吳食淮北地秦白起拔韓南郢

己亥

楚歇地于秦乞和秦五大夫貴伐韓拔十城以斷太行路韓馮亭以上黨入于趙趙受韓上黨廉頗軍長平

庚子

楚代嘗取徐州秦白起攻趙長平

辛丑

秦武安君大敗趙軍于長平進圍邯鄲趙以趙括代廉頗將長平遂陷兵四十萬為秦所坑

壬寅

秦分軍為三罷武安君白起將以王齧代攻趙拔趙武安及皮罕司馬梗比定上黨趙使蘇代使秦

癸卯

秦加范雎相國王齧圍邯鄲張唐攻魏燕武成王卒于孝王繼趙平原君求救于楚魏

甲辰

楚春申君魏信陵君救趙秦起武安君白起不克殺之于杜郵

乙巳

周赧王會齊韓趙魏兵出伊闕攻秦不利西奔秦秦昭王滅周盡入其地三十六城徙其王于愚狐楚滅魯以齊荀卿為蘭陵令

丙午

秦徙周民及九鼎于咸陽秦澤自燕入秦代范雎相燕孝王卒子喜繼

丁未

楚齊韓燕趙皆服命于秦獨後秦使將軍摎伐之取吳城

戊申

秦郊上帝于雍立趙徙都鉅鹿

巳酉

趙平原君卒

庚戌

秦昭襄王卒太子安國繼是謂孝文王立三日又卒子楚立是謂莊襄王以華陽夫人為后子政為太子呂不韋為丞相封文信侯食河南十萬戶楚春申君入弔于秦燕將栗腹攻趙不利趙廉頗破燕軍于鄣封頗信平侯東周君會諸侯攻秦不利没于秦秦丞相呂不韋平東周盡入其地置三川郡徙其君于陽人趙廉頗代燕圍其國秦蒙騫拔趙太原板韓滎陽及成臯

辛亥

壬子

癸丑

秦蒙騫拔魏高都又舉趙三十七城楚齊魏韓燕趙攻秦不利

甲寅

秦莊襄王卒太子政繼是謂始皇帝以呂不韋為相國號仲父同太后專政李斯為舍人齊田單屠聊城魏無忌自趙歸國率楚齊韓趙燕五國之師攻秦軍于河外走蒙騫進至函谷

乙卯

秦蒙騫平晉陽

丙辰

趙孝成王卒子偃繼是謂悼襄王以樂乘代廉頗將頗奔魏秦蒙騫攻魏拔二城攻韓拔十二城

丁巳

魏安釐王卒子景湣王繼信陵君亦卒趙將李牧拔燕一城

戊午

秦拔魏二十城置東郡趙伐燕獲將劇辛

己未

楚考烈王會齊韓趙魏燕五國之兵伐秦至于函谷不利東徙都壽春春申君就國于吳

庚申

秦拔魏之汲趙拔魏之鄴

辛酉

秦封嫪毐長信侯關政于內韓桓惠王卒子安繼

壬戌

長信侯嫪毐作難政斬年宮不克伏誅徙太后于雍流蜀者四千家楚考烈王卒子幽王悼繼

經世之午

二千二百二十七

甲子

秦始皇帝十年呂不韋坐嫪毐事免相李斯為相齊趙來置酒復華陽太后于甘泉宮

乙丑

秦王翦桓齮拔趙九城趙悼襄王卒子遷繼秦兵攻鄴

丙寅

秦會魏伐楚及韓文信侯呂不韋自殺

丁卯

秦桓齮大敗趙軍十萬于平陽韓公子非使秦不還

戊辰

秦桓齮破趙宜安及赤麗韓王安朝秦

巳巳

秦伐趙一軍攻鄴一軍攻狼孟燕太子丹自秦逃歸趙李牧扞秦有功

庚午

魏獻秦麗邑

辛未

秦內史勝滅韓獲其王以其地為潁川郡

壬申

秦王翦下井陘大破趙軍進圍鉅鹿趙以趙葱代李牧顏聚代司馬尚將

癸酉

秦王翦滅趙獲其王以其地為趙郡楚幽王卒母弟猶立庶兄負芻殺猶代立魏景湣王卒子假繼趙亡太子嘉稱

王于代會燕軍于上谷

甲戌

秦王翦破燕軍于易水燕荆軻使秦不還

乙亥

秦王翦王賁滅燕獲其太子丹翦謝病還拔楚十城

丙子

秦王賁滅魏決河灌大梁獲其王

丁丑

秦王翦破楚殺其將項燕楚喪師于鄴走壽春

戊寅

秦王翦蒙武滅楚獲其王以其地為楚郡

巳卯

秦王賁平遼東獲燕王平代獲趙太子王翦定越以其地為會稽郡

庚辰

秦王翦滅齊獲其王以其地為齊郡東至海及朝鮮西至臨洮羌中南至北嚮戶北至陰山遼東分天下地為三十六郡

罷侯置守鑄天下兵為十二金人徙天下豪富十二萬戶于咸陽大建宮室作阿房為萬世業稱始皇帝更以建亥月為歲首

辛巳

西巡狩至于隴右北地及回中乃復

壬午

東巡狩至于鄒嶧封太山禪梁父南登琅邪丞相隗林王綰卿士李斯王戌五大夫趙嬰將軍楊樛及九侯勃帝功于金石表于海上遂南至于衡山浮江自南郡由武關乃復

癸未

東巡狩至于博狼沙中遇盜遂登罍罍刻石紀功北由上黨乃復

甲申

乙酉

丙戌

丁亥

戊子

巳丑

庚寅

辛卯

壬辰

癸巳

南巡狩至于雲夢左丞相馮去疾留守右丞相李斯從行少子胡亥請行至九疑浮江東至于會稽又北至于琅邪由平原達沙丘崩左丞相李斯宦氏趙高假帝書更立少子胡亥賜上郡太子將軍蒙恬死遂還咸陽胡亥立是謂二世皇帝葬始皇帝于驪山

置酒咸陽宮聚天下書焚之

聚天下學士于驪山坑之廣阿房宮自咸陽達于渭南

北巡狩至于碣石由上郡乃復使蒙恬擊胡取河南地

南取陸梁地為桂林象郡又北斥匈奴自榆中並河以東屬之陰山為三十四縣城河上為塞又使蒙恬渡河取高闕陶山北假中以築亭障

宦氏趙高為中郎令專政東巡狩至于會稽北又至于遼東乃復大殺王族及羣臣復廣阿房徵天下材士以五萬人為屯尉咸陽三百里內不得食其穀戍卒陳勝稱王于

楚關東郡邑皆殺其令長以應陳勝而西攻秦陳勝將武臣稱王于趙魏咎稱王於魏狄人田儋稱王于齊楚人項梁稱王會稽徐人劉季稱兵豐沛陳勝兵西攻秦至于戲秦殺右丞相馮去疾將軍馮劫及囚左丞相李斯諫罷阿房故也將軍章邯滅陳勝于城父破項梁于定陶平田儋于臨濟渡河北攻趙田儋死其弟榮立儋子市為王陳勝將嘉立勝子景駒為王項梁殺景駒求楚懷王孫心立之

保盱眙項梁死其從子羽軍彭城其將劉季軍碭山楚正心收項梁軍自盱眙徙彭城以劉季為碭郡長封武安侯俾

南略地而西攻秦以項羽為魯國公封長安侯俾此救趙而西攻秦約先入關者王

經世之末

二千二百二十八

甲午

秦二世三年中郎令趙高稱丞相殺李斯及弒其君胡亥于望夷宮代立不克立二世兄之子嬰為王嬰立夷趙高三族沛公兵十萬由武關入至咸陽秦子嬰降于軹道收籍圖封宮室府庫示秦人以約法三章還軍灞上以待東諸侯項羽北救趙殺大將軍宋義至鉅鹿大敗章邯軍于洹水秦軍降者二十萬西坑之于新安合齊趙魏韓燕五國之兵四十萬由函谷而入會沛公于戲而屠咸陽殺子嬰收子女王帛焚宮室府庫

乙未

項羽渝約自主封建立楚王心為義帝徙之江南都郴封沛公季為漢王遷之漢中都南鄭分秦關中為三一一封降將章邯為雍王都廢丘一封降將司馬欣為塞王都櫟陽一封降將董翳為翟王都高奴分齊為三一一封齊將田都為臨菑王都臨菑一封齊將田安為濟北王都博陽一封齊王田市為膠東王徙即墨分楚為三一一封楚將英布為九江王都六一一封楚將共敖為臨江王都江陵一封番君吳芮為衡山王徙邾分趙為二一封楚將張耳為常山王

都襄國一封趙王歇為代王徙鴈門分韓為二一封楚將申陽為河南王都洛陽一封韓將韓成為韓王都陽翟分

魏為二一封趙將司馬卬為殷王都朝歌一封魏王豹為魏王徙平陽分燕為二一封燕將臧荼為燕王都薊一封

燕王韓廣為遼東王徙無終封吳芮將梅鋗十萬戶侯趙歇將陳餘環三縣田市將田榮不及封羽自稱西楚霸王

王梁地九郡都彭城諸王之在戲下者咸遣罷兵就國羽亦東出使人殺義帝于江上殺韓王成以鄭昌代之臧荼

殺韓廣于燕并有其地田榮殺田都田安田市于齊并有其地稱齊王彭越受榮符以覆梁地陳餘受榮兵以攻常

山趙王歇自代遷都鉅鹿張耳走漢項羽北破田榮于齊榮死弟橫立榮子廣復保城陽

漢王自南鄭東收三秦二韓五諸侯兵合三河士五十六萬東伐楚入彭城取重寶美女為置酒高會項羽至自伐

丙申

齊大破漢軍于睢水殺十餘萬并獲漢王父母妻子漢王退保滎陽築甬道以通敖倉粟使將韓信張耳攻魏趙丞相蕭何兵至自關中自此日戰于京索間

丁酉

楚圍漢于滎陽拔之紀信周竒樅公死之漢退師保成臯九江王英布降于漢彭城越破楚軍于下邳韓信張耳平

戊戌

魏趙還軍脩武漢王自成臯北渡河至脩武使張耳收兵趙地韓信伐齊盧縮劉賈南渡白馬津會彭越攻楚楚又拔漢成臯漢復取成臯與楚對兵廣武韓信平齊乞封假王項羽請和約分天下于鴻溝歸漢父母妻子還軍至陽夏漢軍復至楚復敗漢軍漢又大會韓信彭越英布及諸侯兵于垓下

巳亥

漢滅楚項羽死于東城漢王以魯國公禮葬羽于穀城楚之諸侯而王者並降封侯封齊王韓信為楚王治下邳建成侯彭越為梁王治定陶九江王英布為淮南王治廣陵韓王信為韓王治陽翟衡山王吳芮為長沙王治臨湘肇帝位于汜水之陽西都長安大建宮室燕王臧荼不恭命攻下代郡往平之獲臧荼以太尉盧縮為燕王齊王田廣卒叔橫立入于海帝游雲夢會諸侯于陳執楚王韓信歸降為淮陰侯分其地為二一封劉賈為荆王治淮東一封弟交為楚王治淮西別封子肥為齊王徙韓王信為太原王匈奴寇馬邑韓王信以眾叛帝尊父太公為太上皇

庚子

帝北征韓王信于銅鞮信走匈奴遂征匈奴至于平城匈奴圍帝于平城七日樊噲會北定代以兄仲為代王建未央宮代王劉仲自鴈門逃歸廢為合陽侯以陳豨為代王

辛丑

壬寅

大朝諸侯于未央宮趙相貫高事覺

甲辰

太上皇及太上后崩陳豨以鴈門叛帝北征誅淮陰侯韓信并夷三族蕭何為相國

乙巳

梁王彭越以定陶叛平之夷三族淮南王英布以廣陵叛兼有淮東西地

丙午

帝征淮南平之夷英布三族周勃平代獲陳豨于當城帝崩太子盈踐位是謂惠帝太后呂氏臨朝稱制蕭何曹參陳平周勃輔政葬高祖于長陵盧縮以燕叛

丁未

太后殺趙王如意及母夫人戚氏齊王肥獻陽城為魯元公主湯沐邑

戊申

相國蕭何卒曹參為相國

巳酉

城長安

庚戌

除挾書律

辛亥

相國曹參卒王陵為右丞相陳平為左丞相

壬子

太尉樊噲卒周勃為太尉

癸丑

惠帝崩立無名子為帝葬惠帝于安陵封呂氏四人為王六人為侯罷王陵相進陳平右丞相以審食其為左丞相關政于內太后專制名姓

甲寅

乙卯

丙辰

丁巳

幽無名子于永巷殺之立恒山王義為帝

戊午

尉它稱帝南越

己未

匈奴寇狄道

庚申

太后殺趙王友以梁王呂產為相國趙王呂祿為上將軍分統南北軍

辛酉

太后呂氏崩丞相陳平太尉周勃朱虛侯劉章曲周侯酈商及子寄誅呂產獲南北軍夷呂氏三族廢恒山王義迎高祖中子代王恒于鴈門立之是謂文帝以宋昌為衛將軍專南北軍丞相陳平讓周勃右丞相而為左丞相灌嬰為太尉張武為中郎

壬戌

以皇子啟為皇太子周勃免相陳平兼左右丞相

癸亥

丞相陳平卒周勃復相始作銅虎符

經世之申

二千二百二十九

甲子

漢孝文皇帝三年免周勃相以灌嬰為相王興居以濟北叛平之匈奴寇北地

乙丑

絳侯周勃下廷尉

丙寅

王長以淮南叛徙之蜀放賈誼下長沙

丁卯

戊辰

巳巳

庚午

辛未

壬申

癸酉

甲戌

除肉刑

乙亥

丙子

祀上帝

丁丑

戊寅

改稱元年是謂後元

巳卯

庚辰

辛巳

壬午

癸未

匈奴寇雲中上郡命六將屯備周亞夫軍細柳

甲申

文帝崩太子啓踐位是謂孝景皇帝葬太宗于灞陵

乙酉

與匈奴約和親

丙戌

丁亥

吳王濞膠西王卬楚王戊趙王遂濟南王辟光菑川王賢膠東王雄渠七國連叛誅御史大夫晁錯七國平梁孝王霸朝有

東土

戊子

以皇子榮為皇太子

巳丑

以公主嬪于匈奴

庚寅

辛卯

廢皇太子榮以膠東王徹為皇太子太尉周亞夫為丞相

壬辰

改稱元年是謂中元

癸巳

經世之酉二千二百三十

甲午

漢孝景皇帝十年周亞夫免相

乙未

丙申

丁酉

戊戌

載改元年是謂後元周亞夫下獄死

巳亥

庚子

景帝崩皇太子徹踐位是謂孝武皇帝葬帝于陽陵

辛丑

改建元元年

壬寅

竇嬰免相田蚡免太尉

癸卯

甲辰

乙巳

丙午

改元元光始令郡國貢孝廉董仲舒起焉

丁未

戊申

竇嬰棄市田蚡卒

庚戌

廢皇后陳氏以衛夫人為皇后弟青為將軍

辛亥

命將四大伐匈奴無功

壬子

改元元朔

癸丑

衛青伐匈奴有功收河南置朔方五原郡

甲寅

乙卯

丙辰

匈奴寇上郡

丁巳

匈奴寇鴈門衛青伐之有功拜大將軍公孫弘為丞相封平津侯

戊午

衛青征匈奴大有功霍去病為嫖姚校尉張騫通西域有功封博望侯

己未

改元元狩獲白麟故也淮南王安衡山王賜二國叛平之冊據為皇太子

庚申

霍去病征匈奴至于居延拜驃騎將軍李廣征匈奴無功謫為庶人

辛酉

衛青霍去病李廣大伐匈奴李廣自殺

壬戌

癸亥

丞相李蔡自殺

經世之成

二千二百三十一

甲子

漢孝武皇帝二十四年大司馬霍去病卒

乙丑 改元元鼎

丙寅 丞相青翟下獄死

丁卯 徙函谷關于新安

戊辰 封方士樂大為樂通侯

巳巳 南越王相呂嘉叛諸侯坐酎金輕奪爵者一百六
相趙周下獄死樂通侯樂大坐誣罔棄市西羌及匈奴叛
五原

庚午 南寇平東越王餘善叛卜式為御史大夫

辛未 改元元封帝征匈奴至于北海東越殺餘善降有事于東西
中三嶽及禪梁父東巡狩至于碣石西歷九原歸于甘泉
復巡太山作瓠子隄朝鮮寇遼東

癸酉 朝鮮殺其王右渠以降祀汾陰后土

甲戌 南巡狩至于盛唐大司馬衛青卒

乙亥 西幸回中及祀汾陰后土

丙子 改元大初東巡太山更以建寅月為歲首西伐大宛起建章

丁丑 北幸河東祀后土騎二萬征匈奴不復

戊寅 東巡海上匈奴寇張掖酒泉

巳卯 李廣利平大宛獲其王及汗血馬

庚辰 改元天漢中郎將蘇武使匈奴北幸河東

辛巳 東巡至于海上又西幸回中將軍李陵征匈奴不還

壬午 東巡泰山又北幸常山匈奴寇鴈門

癸未

甲申

大伐匈奴不利朝諸侯甘泉宮

乙酉

改元太始

丙戌

西幸回中

丁亥

東巡海上

戊子

東巡泰山

己丑

改元征和巫蠱事起

庚寅

太子殺江充相劉屈氂攻太子戰于長安太子敗死皇后自殺諸邑公主皆坐巫蠱死

辛卯

大伐匈奴巫蠱事覺誅丞相劉屈氂

壬辰

東巡海上天下疲于兵革

癸巳

改元後元重合侯馬通叛

經世之亥

二千二百三十二

甲午

漢孝武皇帝五十四年冊皇子弗陵為皇太子帝幸蓋屋五柞宮崩大司馬霍光顧命太子弗陵嗣皇帝位是謂昭帝葬世宗于茂陵大將軍霍光專政

乙未

改元始元

丙申

丁酉

戊戌

己亥

庚子

辛丑

改元元鳳誅鄂邑長公主及燕王旦左將軍上官桀謀害霍光事覺故也

壬寅

癸卯

甲辰

乙巳

丙午

丁未

戊申

己酉

庚戌

辛亥

壬子

癸丑

甲寅

乙卯

丙辰

丁巳

戊午

己未

庚申

丞相田千秋卒

丞相王訢卒

改元元平昭帝崩昌邑王賀立葬帝于平陵賀立不明大將軍霍光廢之迎戾太子孫詢立之是謂孝宣皇帝丙吉為相

改元本始

命將五兵十五萬大伐匈奴

皇后許氏遇毒崩霍光以女立皇后

改元地節

大司馬大將軍霍光卒子禹繼事

冊皇子奭為皇太子

大司馬霍禹謀逆事覺夷三族廢皇后霍氏

改元元康

冊皇氏為皇后

太子太傅疏廣太子少傅疏受謝病歸東海

改元神爵趙充國伐西羌

辛酉

蕭望之為御史大夫

癸亥

潁川太守黃霸賜爵關內侯河南太守嚴延年棄市

丁酉

漢孝宣皇帝十七年

丙午

漢元帝五年

皇極經世之六

以運經世之八

觀物篇之三十三

經元之甲一

經會之午七

經運之庚一百八十七

經世之子二千二百三十三

經世之子

二千二百三十三

甲子

漢孝宣皇帝十七年改元五鳳左馮翊太守韓延壽棄市
貶蕭望之為太子太傅坐慢丞相丙吉也平通侯楊惲棄
市坐怨望也

乙丑

丙寅

丞相丙吉卒黃霸為相

丁卯

改元甘露

戊辰

己巳

匈奴呼韓邪單于來朝于定國為相

庚午

辛未

壬申

改元黃龍宣帝崩于未央宮皇太子奭踐位是謂孝元皇帝

癸酉

改元初元葬中宗于杜陵

甲戌

開皇子敖為皇太子盜殺蕭望之

乙亥

幸河東

丙子

丁丑

戊寅

改元永光

己卯

西羌叛韋玄成為相

庚辰

西羌平

辛巳

壬午

改元建昭

癸未

甲申

匡衡為相

乙酉

丙戌

丁亥

戊子

改元竟寧帝崩皇太子驚踐位是謂孝成皇帝葬高宗于渭陵王鳳為大司馬大將軍專政

巳丑

庚寅

王商止訛免相匡衡為庶人

辛卯

河大決王商為相

壬辰

改元河平

癸巳

經世之丑

二千二百三十四

甲午

漢孝成皇帝六年

乙未

丙申

丁酉

改元陽朔京兆尹王章下獄死張禹為相

戊戌

王音為御史大夫

巳亥

大司馬王鳳卒弟音繼事

庚子

辛丑

改元鴻嘉

壬寅

癸卯

廢皇后許氏

甲辰

乙巳

改元永始封王莽新都侯同趙飛燕為皇后

丙午

大司馬王音卒王商為大司馬翟方進為相孔光為御史大夫

丁未

大司馬王商免王根為大司馬

戊申

改元元延

己酉

庚戌

辛亥

壬子

改元綏和

癸丑

甲寅

成帝崩皇太子欣踐位是謂孝哀皇帝太后王氏臨朝稱制大司馬王根專政葬成帝于延陵王根罪免丁明為大司馬孔光為丞相

乙卯

改元建平冊傳氏為皇后傳喜為大司馬朱博為大司空

丙辰

傳喜免丁明復為大司馬孔光免朱博自殺

丁巳

相平當堯王嘉為相

戊午

息夫躬下獄死

己未

改元元壽相王嘉下獄死大司馬丁明免

庚申

三公分職董賢為大司馬孔光為大司徒彭宣為大司空帝崩太皇太后王氏稱制罷董賢大司馬以王莽為大司馬錄尚書事廢太后趙氏迎元帝庶孫中山王衍立之是謂平帝葬哀帝于義陵王莽專政

辛酉

改元元始封大司馬王莽安漢公

壬戌

癸亥

經世之寅

二千二百三十五

甲子

漢孝平皇帝四年王莽以女上皇后

乙丑

王莽弑帝于未央宮立元帝孫孺子嬰莽加九錫

丙寅

王莽改元居攝

丁卯

王莽稱假皇帝翟義立嚴鄉侯信于東都莽將王邑滅之

戊辰

王莽改元初始

己巳

王莽竊國命改國為新室元曰建國降孺子嬰為定安公

庚午

王莽大殺宗室校書郎楊雄投天祿閣不克死

辛未

壬申

癸酉

王莽改元天鳳四夷交侵中國

乙亥

丙子

羣盜起

丁丑

戊寅

校書郎楊雄卒

己卯

王莽改元地皇兵起綠林

庚辰

辛巳

劉玄稱兵宛業劉秀及兄伯升稱兵春陵

壬午

癸未

劉玄稱帝元日更始以劉伯升為司徒劉秀為太常偏將軍是年大破莽將王尋王邑軍于昆陽三輔遂滅莽于漸

甲申

劉玄西入長安殺漢孺子嬰大將軍劉秀北徇蕭遂拔邯鄲誅王郎受玄封蕭王又敗銅馬賊于鄴又敗赤眉賊于射犬赤眉西攻長安劉永擅命睢陽公孫述稱王蜀巴李憲稱王淮南秦豐稱王黎立張步稱兵琅邪董憲稱兵東海延岑稱兵漢中田戎稱兵夷陵

乙酉

蕭王肇帝位于河朔之鄆國曰漢元曰建武南拔洛陽都之赤眉陷長安稱帝殺劉玄公孫述稱帝成都元日龍興劉永稱帝睢陽隗囂稱兵隴右盧芳稱兵安定彭寵稱王

丙戌

赤眉焚長安宮室陵寢銅馬青犢尤來立孫登為帝于上郡其將樂方殺之赤眉降漢于宜陽長安平蓋延平劉永于睢陽隗囂以西州格命李憲稱帝淮南

丁亥

赤眉降漢于宜陽長安平蓋延平劉永于睢陽隗囂以西州格命李憲稱帝淮南

戊子

彭寵為家奴所殺來降封不義侯薊門平朱祐平秦豐于黎立滅張步于臨菑盧方稱帝五原帝徵嚴光不起

庚寅

馬成平李憲于淮南吳漢平董憲于東海隗囂以西州入于蜀

辛卯

西征馮異竇融破隗囂于隴右

壬辰

隗囂死子純立來歙馮異伐蜀入天水

癸巳

西征馮異竇融破隗囂于隴右

經世之卯

二千二百三十六

甲午

漢光武皇帝十年西征滅隗純于隴右

乙未

西征蜀至于南陽吳漢岑彭大破蜀軍于荆門

丙申

吳漢拔成都誅公孫述及將田戎岑延

丁酉

盧芳自五原亡入匈奴

戊戌 天下平

巳亥 大司徒歐陽歆下獄死

庚子 交趾女直 側叛青徐幽冀盜起

辛丑 南巡廢皇后郭氏為中山太后冊貴人陰氏為皇后

壬寅 西巡史歆以成都叛吳漢復平馬援伐交趾幸長安

癸卯 南巡馬援平交趾封新息侯廢皇太子彊為東海王以東

甲辰 海王陽為皇太子 大司徒戴涉下獄死

乙巳

丙午

丁未

戊申

巳酉 馬援破馬武蠻

庚戌 作壽陵

辛亥

壬子

癸丑

甲寅 東巡狩

乙卯

丙辰 東封太山禪祭父改元中元西幸長安馮房為司空

丁巳 帝崩皇太子莊踐位是謂孝明皇帝葬世祖于原陵

戊午

改元永平

巳未

庚申

辛酉

壬戌

北巡于朔

癸亥

東巡于岱

經世之辰

二千二百三十七

甲子

漢孝明皇帝七年

乙丑

丙寅

丁卯

南巡狩

戊辰

牟融為司空

巳巳

河大決

庚午

辛未

東巡狩

壬申

癸酉

司徒邢穆駙馬都尉韓光下獄死

甲戌

乙亥

帝崩皇太子烜踐位是謂孝章皇帝葬顯宗于節陵

丙子

改元建初

丁丑

戊寅

巳卯

鮑昱為太尉桓虞為司徒詔于白虎觀議五經同異

庚辰

辛巳

壬午

廢皇太子為清河王冊皇子肇為皇太子北幸鄴西幸長安

癸未

東巡狩

甲申

改元元和南巡狩鄭弘為太尉

乙酉

東巡狩

丙戌

北巡狩

丁亥

改元章和南巡狩

戊子

帝崩皇太子肇即位是謂孝和皇帝太后竇氏臨朝稱制竇憲為車騎將軍專政葬肅宗于敬陵鄧彪為太尉錄尚書事

巳丑

改元永元竇憲敗匈奴于稽落勒功燕然還為大將軍

庚寅

帝加元服班超平西域

辛卯

竇憲作逆事覺伏誅帝始親萬機

壬辰

癸巳

經世之巳

二千二百三十八

甲午

漢孝和皇帝六年

乙未

丙申

丁酉

司徒劉方有罪自殺

戊戌

己亥

庚子

張酺罷太尉張禹為太尉

辛丑

魯恭為司徒

壬寅

廢皇后陰氏冊貴人鄧氏為皇后徐防為司空

癸卯

南巡

甲辰

司徒魯恭罷免徐防為司徒陳寵為司空

乙巳

改元元興帝崩皇子隆立是謂殤帝太后鄧氏臨朝稱制車騎將軍鄧騭專政

丙午

改元延平葬穆宗于慎陵帝又崩鄧騭迎章帝孫佑立之是謂孝安皇帝葬殤帝于康陵尹勤為司空

丁未

改元永初魯恭為司徒張禹為太尉張敏為司空周章謀廢立不克自殺

帝加元服

帝加元服

海寇亂

西羌入寇張禹免太尉

太后鄧氏有事于太廟劉愷為司空

改元元初司馬苞為太尉

改元元初司馬苞為太尉

乙卯 周閻氏為皇后劉愷為司徒朱敏為司空

丙辰 李郃為司空

丁巳

戊午

己未

庚申 改元永寧楊震為司徒

辛酉 改元建光太后鄧氏崩帝始親政事特進鄧騭渡遼將軍鄧遵下獄死

壬戌 改元建光

癸亥 司徒楊震為太尉

經世之午二千二百三十九

甲子 漢孝安皇帝十八年東巡廢皇太子保為濟陰王楊震罷太尉馮石為太尉

乙丑 帝南巡崩于華太后閻氏臨朝稱制閻顯為車騎將軍專政立章帝女孫北鄉侯懿誅大將軍耿寶葬恭宗于恭陵

懿又卒車騎將軍閻顯及大長秋江京閉宮門擇立他子中黃門孫程十九人殺江京迎濟陰王立之是謂孝順王

帝顯兵入北宮不勝孫程取閻顯及江京之黨殺之亂乃定以王禮葬北鄉侯馮石為太傅劉熹為太尉李郃為司徒

丙寅 改元永建皇太后閻氏崩恒焉為太傅朱寵為太尉朱佺為司徒

丁卯

戊辰

己巳 帝加元服龐參為太尉王龔為司空劉崎為司徒

庚午 班始棄市

辛未

改元陽嘉冊梁氏為皇后

壬申

施延為太尉

甲戌

黃尚為司徒王卓為司空

乙亥

改元永和王龔為太尉

丙子

郭慶為司空

丁丑

劉壽為司徒

戊寅

誅中常侍張達

庚辰

趙戒為司空梁冀為大將軍

辛巳

改元漢安遣張綱等入使持節巡行天下廣陵寇亂趙峻為太尉胡廣為司徒

癸未

彭門寇亂

甲申

改元建康帝崩皇太子炳踐位是謂沖帝太后梁氏臨朝稱制大將軍梁冀專政葬敬宗于憲陵盜發憲陵免尚書樂巴為庶人

乙酉

改元永嘉帝崩太后梁氏大將軍梁冀迎肅宗孫續立之是謂質帝葬冲帝于懷陵江淮寇亂九江賊稱黃帝歷陽賊稱黑帝

丙戌

改元太初梁冀弒帝迎肅宗曾孫志立之是謂桓帝李固罷免梁冀專政

丁亥

改元建和梁冀以女上皇后杜喬為太尉胡廣罷免李固杜喬下獄死

戊子

帝加元服趙戒為太尉袁湯為司空

己丑

改元和平太后梁氏崩

庚寅

改元元嘉黃瓊為司空罷免

辛卯

壬辰

改元永興袁粲逢隗為三公

癸巳

經世之末

二千二百四十

甲午

漢孝桓皇帝八年黃瓊為太尉尹頌為司徒

乙未

改元永壽韓續為司空

丙申

丁酉

戊戌

改元延熹

己亥

皇后梁氏崩大將軍梁冀謀逆事覺夷三族黃門單超擅命胡廣韓續減死

庚子

白馬令李雲直諫死于獄太山及長沙寇亂

辛丑

武庫火

壬寅

癸卯

甲辰

南巡楊秉為太尉

乙巳

廢皇后鄧氏冊貴人竇氏為皇后陳蕃為太尉竇武為大將軍

丙午

黨錮事起司隸李膺等三百人下獄

丁未

改元永康帝崩太后竇氏臨朝稱制

戊申

竇武迎肅宗玄孫解犢侯宏立之是謂靈帝竇武錄尚書事專政改元建寧葬威宗于宣陵中常侍曹節王甫殺太傅陳蕃大將軍竇武及尚書尹勲侍中劉瑜屯騎校尉馮述夷其族徙太后竇氏于南宮謀誅宦氏不克故也胡廣為太尉劉儼為司徒

巳酉

朋黨事復起殺李膺等百人

庚戌

帝加元服冊宋氏為皇后

辛亥

改元熹平太后竇氏崩誣構事大起

壬子

段熲為太尉楊賜為司空

癸丑

李郃為太尉

甲寅

五經文皆刻石于太學袁隗為司徒

乙卯

劉寬為太尉楊賜為司徒

丙辰

大伐鮮卑孟軻為太尉陳耽為司空

丁巳

改元光和合浦交阯內寇廢皇后宋氏大鸞爵至三公袁滂為司徒

戊午

諸貴臣下獄死者相繼宦氏誣故也劉劭為司徒段熲為太尉張濟為司空

巳未

陳耽為司徒冊何氏為皇后

庚申

作宮市帝遊以驢為駕

辛酉

壬戌

癸亥

經世之申

二千二百四十一

甲子

漢孝靈皇帝十七年黃巾寇起鄧盛為太尉張溫為司空侍中向栩張鈞下獄死關人大起誣構黃巾平

乙丑

黑山賊起崔烈為司徒張延為太尉許相為司空三輔寇亂陳耽劉陶坐直言死

丙寅

張溫為太尉江夏兵起前太尉張延下獄死

丁卯

賣官至關內侯曹嵩為太尉三輔盜起漁陽賊稱帝

戊辰

天下群盜起黃巾賊復寇郡國稱帝置八校尉以捕天下羣盜馬日磧為太尉曹操為典軍校尉袁紹為中軍校尉董仲為驃騎將軍

己巳

帝崩皇太子辯踐位皇太后何氏臨朝稱制大將軍何進專政改元光熹封皇弟協為渤海王殺上軍校尉蹇碩驃騎將軍董重及太皇太后董氏議立協故也徙協為陳留王中常侍張讓段珪殺大將軍何進中郎袁術以兵攻東宮張讓段珪以帝及陳留王走北宮何苗攻北宮司隸校尉袁紹兵入大殺閹豎讓珪以帝及陳留王出走小平津尚書盧植兵追及之讓珪投于河死盧植以帝及陳留王還宮改元昭寧董卓自太原入廢帝為弘農王立陳留王協是謂獻帝徙太后何氏于永安宮改元永漢卓殺太后何氏及弘農王辯于永安宮稱相國專制黃琬為太尉楊彪為司徒荀爽為司空袁紹入冀州

庚午

改元初平天下兵起羣校尉推袁紹為主同攻董卓卓大殺宗室及官屬遷帝西都長安孫堅兵起荊州白波賊寇東郡劉虞為太傅种拂為司空

辛未

董卓備太師大焚洛陽宮闕及徙居民于長安孫堅敗董卓兵于陽人入洛脩完諸帝陵寢引軍還魯陽黑山賊寇常山黃中賊擾太山

壬申

董卓將王允呂布誅卓于長安夷三族卓將李催郭汜陷長安殺王允呂布走袁紹催汜擅政以皇甫嵩為太尉淳于嘉為司徒曹操破黃巾于壽張孫堅卒子榮代總其眾

癸酉

李催郭汜屠三輔朱雋為太尉趙溫為司空袁紹袁術交兵東方

甲戌

改元興平帝加元服楊彪為太尉孫策據有江南

乙亥

李催郭汜爭權相攻于長安楊定楊奉董承以帝東還曹操破呂布于定陶遂有兖州布走劉備

丙子

帝還洛陽改元建安曹操徙帝都許昌

丁丑

袁術稱帝九江拜袁紹大將軍曹操破袁術于楊州呂布襲劉備于下邳劉備走曹操

戊寅

曹操平呂布于下邳兼有徐州

己卯

袁紹死曹操將公孫瓚于易京孫策破劉勳于廬江

庚辰

曹操大敗袁紹于官渡劉備去曹操奔劉表于荆南以南孫策卒弟權繼事

辛巳

袁紹卒于尚繼事以弟譚為將軍

壬午

袁尚袁譚相攻譚敗奔曹操

甲申

曹操破袁尚于鄴兼有冀州尚走青州譚復奔尚

乙酉

曹操滅袁氏于青州譚死尚走烏丸

丙戌

曹操破高幹于太原幹走荆州

丁亥

曹操破烏丸于聊城袁尚走遼東死

戊子

曹操殺中大夫孔融遂領丞相荆州劉表卒子琮繼事劉備起于南陽亮以吳周瑜兵大破曹操于赤壁遂有稱於治公安

己丑

孫權為荆州牧劉備于京口劉備表孫權為徐州牧孫權表劉備

庚寅

曹操起銅爵臺于鄴孫權南收交州

辛卯

曹操平關中益州劉璋會劉備于葭萌孫權自京口徙治秣陵

壬辰

曹操割河以北屬鄴孫權城石頭改秣陵為建鄴

癸巳

曹操以冀之十郡稱魏國公加九錫劉備攻劉璋于成都孫權行曹操于濡須

經世之酉 二千二百四十二

甲午

漢獻帝二十六年曹操弒皇后伏氏及二皇子又破張魯
米賊于漢中劉備克成都據有巴蜀孫權取劉備三郡
曹操以女上皇后又平張魯于漢中孫權劉備連兵攻曹

乙未

曹操進爵為魏王南伐吳

丙申

曹操用天子服器孫權稱表曹操報以婚禮

丁酉

少府耿紀司直韋晃殺曹操不克伏誅操攻劉備進攻漢

戊戌

劉備取曹操漢中稱王孫權取劉備荊州稱牧關羽死之

己亥

改元建康曹操卒子丕繼事是年丕代漢命于鄴是謂文
帝改國曰魏元曰黃初降帝為山陽公葬太祖曹操于西
陵自鄴徙都洛陽

庚子

魏郊祀天是年劉備稱帝成都建國曰蜀元曰章武諸
葛亮為相孫權自建鄴徙都鄂改鄂為武昌
魏加兵于吳蜀伐吳不利敗于猓亭是年孫權稱王武昌
是謂文帝建國曰吳元曰黃武通使于蜀以脩前好

辛丑

蜀主備卒于白帝城太子禪繼是謂後主改元建興魏與

壬寅

蜀和親
魏伐吳

癸卯

魏伐吳始兵廣陵蜀諸葛亮平四郡蠻

甲辰

魏帝丕終太子叡嗣位是謂明帝司馬懿為驃騎大將軍

乙巳

魏改元太和有事于南郊及明堂蜀諸葛亮出鎮漢中

丙午

蜀諸葛亮圍魏陳倉吳破魏石亭

丁未

蜀克魏武都吳孫權稱帝改元黃龍自武昌復徙都建鄴

戊申

魏伐蜀假司馬懿黃鉞蜀諸葛亮攻魏天水

己酉

蜀圍魏岐山

庚戌

蜀息軍黃沙吳改元嘉禾

癸丑

魏改元青龍蜀伐魏師出襄斜

甲寅

魏南伐吳至于壽春西伐蜀至于魏南蜀諸葛亮卒于師
吳伐魏師出合肥是年漢山陽公卒
魏大起洛陽宮室司馬懿為太尉蜀以蔣琬為大將軍專
國事

乙卯

丙辰

魏改元景初公孫淵以遼東叛稱王

丁巳

魏司馬懿平遼東蜀改元延熙吳改元赤烏

戊午

魏明帝叡終齊王芳繼司馬懿及曹爽輔政

己未

魏改元正始

庚申

吳全琮代魏軍出淮南

辛酉

蜀姜維伐魏軍出漢中

壬戌

魏帝加元服司馬懿伐吳至于舒蜀蔣琬伐魏軍出漢中
吳伐魏軍出六安

經世之成

二千二百四十三

甲子

魏王芳五年蜀主禪二十一年吳主權二十三年魏曹爽
伐蜀無功
蜀伐魏費禕師出漢中吳將馬茂作難夷三族

乙丑

丙寅

魏曹爽專政何晏秉機司馬懿稱病

丁卯

蜀伐魏費禕師出漢中

戊辰

魏曹爽奉其君謁高平陵太傅司馬宣王稱兵于內夷大
將軍曹爽及其支黨曹羲曹訓曹彥何晏丁謚鄧颺畢軌
李勝桓範張當三族迎帝還宮改元嘉平復皇太后懿加
九錫專國事

己巳

庚午

魏伐吳南郡

辛未

魏司馬懿宣王卒子師繼事吳改元太元

壬申

魏伐吳不利吳改元神鳳權卒子亮繼改元建興

癸酉

吳蜀伐魏

甲戌

魏亂司馬師廢其君芳立高貴鄉公髦改元正元師假黃

乙亥

鈇專制稱景王蜀伐魏姜維拔魏三城吳改元五鳳

丙子

魏司馬師伐吳平淮南還許昌卒子昭繼事為大將軍錄

丁丑

尚書事專制蜀姜維敗魏軍于臨洮吳孫峻敗魏于壽春

戊寅

魏改元甘露大敗蜀軍于上邽司馬昭稱文王假黃鈇吳

巳卯

改元太平大將軍孫峻卒國亂

魏大將軍諸葛誕以楊州叛入于吳蜀伐魏姜維師出洛

庚辰

魏亂司馬昭弒其君髦立常道鄉公璜改元景元昭加九

辛巳

錫稱晉國公專制

壬午

魏鄧艾鍾會伐蜀

癸未

魏滅蜀徙其君于洛陽蜀改元炎興是年國亡吳出軍壽

甲申

春救蜀不克

乙酉

司馬昭進爵為晉王增郡二十用天子服器改元咸熙以

丙戌

檻車徵鄧艾鍾會以蜀叛吳孫休卒濮陽王興中軍張布

丁亥

廢休子而立權廢子和之子皓改元元興皓立誅興及布

元甘露

魏司馬昭卒子炎繼事是年炎代魏命是謂武帝改國為

吳改元寶鼎復還建鄴

晉元白泰始降其君璜為陳留王徙于鄴吳徙都武昌改

戊子 吳伐晉

巳丑 吳改元建衡南伐交阯

庚寅 吳孫秀奔晉

辛卯 吳平交阯蜀劉禪卒于晉

壬辰 晉賈充以女上太子妃遂為司空吳改元鳳凰

癸巳 晉何曾為司徒吳帥寇晉弋陽

經世之亥 二千二百四十四

甲午 晉武帝十年吳主皓十一年晉分幽州城平州

乙未 晉改元咸寧吳改元天冊

丙申 晉東西夷十七國內附吳改元天璽

丁酉 晉四夷內附吳改元天紀將邵凱夏祥逃入于晉

戊戌 吳將劉翻祖始逃入于晉

巳亥 晉命賈充督楊濟琅邪王佃王渾王戎胡奮杜預唐彬王濬七將兵二十萬伐吳是年汲人發魏襄王冢得書七十五卷

庚子 晉平吳徙孫皓于洛陽改元太康

辛丑

壬寅 東西夷二十九國修貢山濤為司徒衛瓘為司空賈充卒

癸卯 孫皓卒魏舒為司徒

甲辰

乙巳

丙午

丁未

戊申

巳酉

庚戌

辛亥

壬子

癸丑

甲寅

乙卯

丙辰

丁巳

戊午

巳未

庚申

辛酉

汝南王亮為司馬假黃鉞

改元太熙武帝崩太子衷踐位是謂惠帝用光賈氏為皇后改元永熙葬武帝于峻陵王渾為司徒何劭為太師裴楷為少師和嶠為少保王戎為少傅衛瓘為太保石鑒為司空

改元永年皇后賈氏專制夷十二大臣族太傅楊駿太保衛瓘汝南王亮皆被戮焉廢太后楊氏為庶人徙之金墉遣諸王就國改元元康趙王倫為征西大將軍

賈后弒皇太后楊氏于金墉城

武庫火

張華為司空秦雍亂齊萬年稱兵涇陽楊茂搜稱兵百頃王戎為司徒何劭為僕射

賈后廢皇太子適為庶人及其二子送之金墉裴頠為僕射

改元永康皇后賈氏徙皇庶人于許昌殺之趙王倫梁王彤廢皇后賈氏為庶人送金墉殺之誅宰相張華及僕射裴頠侍中賈謐又誅嵇康呂安石崇潘岳于東市倫解黃鉞稱相國專制以彤為太宰周羊氏為皇后賈氏黨趙廞以成都叛

趙王倫竊命徙帝于金墉改元建始齊王囹成都王穎河間王顥兵入誅趙王倫及其黨迎帝反政囹大司馬專制

壬戌

以頴為大將軍頴為太尉改元永寧流人李特殺趙廞于成都張軌以梁州叛
長沙王又河間王頴成都王頴新野王歆范陽王廕兵入誅齊王罔送其族于金墉殺之又稱太尉專制改元太安流人李特以六郡稱牧廣漢

癸亥

河間王頴成都王頴東海王越執長沙王又送之金墉殺之顯稱太宰專政于長安陸機陸雲兵死石冰以徐場亂李特攻成都克死子雄繼

皇極經世之六 以運經世之九 觀物篇之三十三

經元之甲一

經會之午七

經運之辛一百八十八

經世之子二千二百四十五

經世之子 二千二百四十五

甲子

晉惠帝十四年河間王頴廢皇后羊氏及皇太子覃徙之金墉表成都王頴為太弟加九錫鎮鄴改元永安右衛將軍陳軫復羊氏皇后及覃太子大會司徒王戎及東海王越高密王簡平昌公模吳王晏豫章王熾襄陽王範左僕射荀藩八部兵奉帝北伐鄴師敗于湯陰嵇紹死之帝如北軍頴以帝歸鄴改元建武顯將張方入洛復廢皇后羊氏及覃太子安北將軍王浚東瀛公騰以烏丸攻鄴頴師敗帝還洛陽河間王使張方徙帝西都長安亦復羊氏皇

後及永安年號穎太弟以豫章王熾為太弟改元永興王
戎與朝政始分東西臺是年李雄逐羅尚于成都稱王單
于左賢王劉淵稱王離石國曰漢元曰元熙

乙丑

東海王越嚴兵徐方范陽王虓抗師許昌成都王穎擁兵
河北河間王顥又復廢羊氏皇后以穎為大將軍都督河
北虓越將周權入洛又復羊氏皇后洛陽令何喬殺周權
又廢羊氏皇后虓越攻穎不已穎敗棄鄴走洛陽虓越攻
洛陽穎奔顥于長安漢劉淵攻晉劉琨于板橋不利

丙寅

東海王越范陽王虓兵攻長安河間王顥成都王穎走南
山虓越將祁弘宋胄以帝東還洛陽復以羊氏為皇后改
元光熙越稱太傅錄尚書事專制虓為司空卒越遂弑帝
立太弟熾是謂懷帝引溫羨為司徒王衍為司空顥領野
死李雄稱帝成都國曰蜀元曰太武謂之後蜀

丁卯

晉改元永嘉東海王越稱大丞相鎮許昌以後父梁芬為
太尉成都王黨沒桑陷鄴王彌兵青徐漢劉淵破晉河東
諸郡晉劉琨獨保晉陽

戊辰

劉淵稱帝改元永鳳援晉平陽居之王彌石勒附
石勒攻常山王彌攻洛陽焚建春門

己巳

東海王越入洛大臣十餘人以左僕射山簡征東南大將
軍都督荆州南鎮襄漢劉淵改元河瑞石勒兵出鉅鹿王
彌兵出上黨劉聰兵出壺關同攻晉洛陽

庚午

東海王越徵兵天下諸侯咸無從者自卒兵出許昌漢劉
淵卒子和繼叔楚王聰殺和代立改元光興以北海王義
為皇太弟劉曜為相國石勒為大將軍

辛未

天下亂晉詔兖州荀晞會諸侯兵伐許昌會東海王越卒
乃止是年洛陽陷王衍為軍王師十二敗帝及傳國六璽
皆沒于寇長安亦陷南陽王模亦沒于寇漢劉曜王彌石
勒拔晉洛陽俘其帝于平陽改元嘉平劉曜拔晉長安保
之石勒害王彌于己吾而并其衆蜀李雄拔晉梓潼及涪
城改元王衡

壬申

晉懷帝在平陽賈疋逐劉曜于長安三輔與關中梁芬梁
綜麴允麴特奉秦王業為皇太子以入長安鎮東將軍琅
邪王睿師亡衆大集壽春荀晞保蒙城不利降于石勒劉
琨保晉陽不利奔常山拓跋猗盧以兵六萬來救大敗劉

癸酉

曜劉粲于琅猛劉琨復保陽曲漢劉聰劉殷女二人為皇后孫四人為貴妃拔晉太原復夫之
晉懷帝死于平陽皇太子業稱帝長安是謂愍帝改元建興以梁芬為司徒麴允為使持節領軍錄尚書事索綝為尚書左僕射琅邪王睿為左丞相都督陝東諸軍事南陽王保為右丞相都督陝西諸軍事山東郡縣悉陷于寇漢石勒鎮襄國曹嶷攻下三齊據有廣固

甲戌

晉以琅邪王濬為大司馬荀祖為司空劉琨為大將軍封涼州張軌為太尉西平郡王軌子寔繼稱西河王國曰涼元曰永興城姑臧是謂前涼漢劉聰立三皇后改元建元劉曜為晉長安石勒圍晉幽州

乙亥

晉進左丞相琅邪王濬大都督中外軍事右丞相南陽王保為相國司空荀祖為太尉大將軍劉琨為司空陶侃平江表獲杜波漢劉聰立七皇后石勒專命俾征伐勒拔晉濮陽

丙子

晉長安陷于寇帝出降于豆田中漢劉曜拔晉長安俘其帝于平陽改元麟嘉石勒拔晉太原劉琨走幽州依段日碑

丁丑

晉帝在平陽琅邪王睿渡江稱晉王于建康元曰建武西陽王義為太尉王敦為大將軍王導都督中外帝死平陽

戊寅

晉王睿稱帝建康改元太興以子紹為太子是謂東晉元帝劉琨為段日碑听害王敦稱牧荊州王導開府建康漢劉聰卒子粲繼改元漢昌將斬準殺粲代立相國劉曜自長安入至赤壁稱帝改元光初加大將軍斬九錫封趙國公國人說勒準以迎曜

己卯

晉南陽王保保祁山稱晉王漢劉曜還長安改國曰趙是謂前趙殺石勒使者王循石勒稱王襄國國曰趙元曰趙王是謂後趙以張賓為之相號大執法以弟虎為之將號元輔

庚辰

晉南陽王保走桑城死涼亂張茂殺寔代立改元永和

辛巳

晉王導為司空幽州陷段日碑沒于石勒鮮卑慕容廆受晉持節都督遼東遼西

壬午

晉改元永昌大將軍王敦以武昌叛破石頭稱丞相都督中外太保西陽王義進位太宰加司空王導進位尚書令

癸未

石虎寇太山梁顧以淮陰叛帝憂憤死皇太子紹嗣位是謂明帝石勒拔劉曜河南
晉改元太寧王敦假黃鉞劉曜石勒皆入寇趙劉曜拔晉陳安收隴城陝城及上邽趙石勒滅晉曹嶷于廣固涼張茂稱藩于前趙

甲申

晉王敦寇江寧帝御六軍敗敦丁越城敦死于蕪湖王導為太宰蜀李雄以兄之子班為太子涼張茂卒兄子駿立改元太元

乙酉

晉以子衍為皇太子石勒入寇以陶侃為征西大將軍都督荆湘梁雍明帝終太子衍嗣位是謂成帝太后庾氏稱制司徒王導錄尚書事同中書令庾亮開政遼西亂段遼弒其王自立趙石勒拔晉荆交豫三州及劉曜新安許昌晉改元咸和進下導大司馬假黃鉞都督中外軍事蜀李雄攻進涪城趙石勒攻晉汝南

丁亥

晉豫州祖約歷陽蘇峻彭城王雄章武王休連兵紀建鄴司馬流距戰不克死于慈湖
晉蘇峻敗內師于西陵入宮稱驃騎將軍錄尚書事併于石頭虞潛下庾冰王舒稱義王吳會征西將軍陶侃平

北將軍魏該圍峻于白石滅之峻弟逸代總
前將軍光寇宣城祖約奔石勒大敗劉曜于洛陽獲之遂滅前趙用徐光為中書令

巳丑

晉蘇逸拔石頭帝野次滕舍敗逸于石頭逸逃保吳興元允敗逸于漂陽滅之趙石生進收長安石勒破上邽殺劉熙劉胤二千人進平隴右

庚寅

晉陸玩孔愉為左右僕射起新宮于苑陶侃擒郭默于尋陽蜀李雄攻晉已東涼張駿稱藩于石勒趙石勒稱帝自襄陽徙都鄠改元建元

辛卯

晉以陸玩為尚書令
晉徙居新宮太尉陶侃大將軍趙石勒卒子弘繼改元延熙趙石虎元錫專政稱丞相魏王殺中書令徐光及右長史程遐

壬辰

癸巳

晉遼東公慕容廆卒子皝繼蜀李雄卒子班繼叔父壽專政趙亂石堪出奔譙城石勒稱兵洛陽石生抗軍長安石

虎威滅之

經世之丑 二千二百四十六

甲午 東晉成帝九年蜀李班為庶兄越所殺立雄子期改元王恒越專政涼張駿受晉大將軍命

乙未 晉改元咸康石虎入寇假大司馬王導黃鉞出兵戍慈湖牛渚蕪湖趙亂石虎殺弘代立稱攝天王改元建武

丙申 鮮卑慕容皝稱王遼東趙石虎稱正天王

丁酉 單于冒頓拓拔什翼捷稱王定襄國曰代元曰建國蜀亂李壽自漢中入殺期代立改國為漢元曰漢興慕容皝攻

戊戌 後趙

巳亥 晉王導卒代蜀

庚子 晉陸玩為空遼東慕容皝伐石虎之捷漢李壽拔晉丹州

辛丑 晉慕容皝求為假燕王徙居和龍

壬寅 晉成帝崩母弟琅邪王岳立是謂康帝封成帝二子丕為琅邪王弁為東海王中書監庾水中書令何充尚書令諸葛恢輔政漢李壽卒子勢繼改元太和

癸卯 晉改元建元

甲辰 晉康帝崩太子聃繼是謂穆帝太后稱制趙石虎伐涼不利伐燕有功

乙巳 晉改元永和會稽王昱錄尚書六條事專政

丙午 晉相溫伐蜀漢李勢平李弈改元嘉寧涼張駿卒子重華繼改元永樂趙石虎攻涼金城

丁未 晉相溫滅蜀徙李勢于建康蜀復亂范賁稱帝成都涼張重華敗石虎于枹罕

戊申 晉相溫為征西大將軍入長安至于灞上遼東慕容皝卒子儁繼趙石虎攻晉竟陵

巳酉 晉平蜀亂鮮卑慕容儁稱王遼東國曰燕元曰燕元是謂前燕趙石虎稱帝改元大寧虎卒子世繼張豺為相專制

內難作石遵自關右入殺世及張豺代立石冰自薊門入殺遵不克石閔殺遵立石鑿改元青龍閔稱大將軍專政苻洪稱兵廣川

庚戌

趙石鑿殺大將軍閔及李農不克閔殺鑿代立復姓冉氏改國為魏元曰永興大滅石氏宗室鑿弟祗稱帝襄國以將劉顯南攻冉氏不克殺祗以降閔破襄國誅顯滅其族將苻健自枋頭入關逐杜洪于長安據之將魏統以兗州冉遇以豫州樂弘以荊州鄭系以洛州入于晉劉淮以幽州入于燕燕南略地至幽冀

辛亥

趙將周成以廩丘高昌以野王樂立以許昌李歷以衛州請附于晉劉啓姚弋仲亦奔于晉魏冉閔攻燕不利死國士石虎將苻健稱天王于長安國曰秦元曰皇始是謂前秦敗晉軍于五丈原燕慕容儁南伐魏滅冉閔于昌城

壬子

晉武陵王晞為太宰會稽王昱為司徒大將軍桓溫為太尉魏冉智以鄴降燕慕容儁稱帝自和龍徙居中山改元天璽秦苻健稱帝長安

癸丑

涼秦相攻涼張重華卒于耀靈繼伯父祚殺耀靈代立改元永平

甲寅

晉太尉桓溫伐秦至灞上秦苻健敗晉軍于白鹿原又敗之于子午谷

乙卯

晉將段龕敗燕軍于狼山右軍王羲之辭官歸涼宋混張瓘殺張祚立耀靈弟玄靚改元太始燕南攻晉不利秦苻健卒子生繼

丙辰

晉桓溫敗姚襄軍于伊水遂復洛陽秦苻生改元壽光

丁巳

晉改元升平帝加元服王彪之為左僕射燕改元光壽自中山徙都鄴秦苻生虐用其人雄子堅殺生代立去帝稱王改元永興以王猛呂婆樓強注梁平老為之輔

戊午

晉將馮翊以衆入于燕燕拔晉上黨

己未

晉伐燕不利燕敗晉于東阿秦改元甘露以王猛為中書令尹京兆

庚申

晉仇池公楊俊卒子世繼燕慕容儁卒子暉繼改元建熙慕容恪為太宰專政慕容評為太傅慕容根為太師慕容

魚為河南大都督根作逆伏誅

辛酉 晉穆帝終立成帝子琅邪王丕是謂哀帝

壬戌 晉改元隆和燕師攻晉洛陽

癸亥 晉改元興寧桓溫為大司馬假黃鉞都督中外軍事北伐涼張天錫殺玄靚代立改元太清燕將慕容評攻晉許昌

經世之寅二千二百四十七

甲子 東晉哀帝三年餌丹有疾太后稱制燕秦入寇洛陽

乙丑 晉哀帝終于餌丹弟琅邪王奔立洛陽陷于燕司馬勲以梁州叛稱成都王秦改元建元向奴二右賢王以朔方叛平之

丙寅 晉改元太和會稽王昱為丞相燕秦入寇涼張天錫受晉命大將軍都督隴右燕拔晉魯郡秦拔晉南鄉

丁卯 燕攻晉竟陵秦攻晉涼州

戊辰 秦苻雙以上邽苻柳以蒲枝叛王猛悉平之

巳巳 晉大司馬桓溫北伐燕不利歸罪袁真袁真以壽陽入于燕燕大將慕容垂敗晉師于枋頭以衆降秦評害功故也秦救燕有功取燕之金墉責無信也

庚午 晉壽陽袁真卒子瑾繼桓溫敗瑾于壽陽廣漢及成都寇亂王猛滅燕于鄴徙慕容暉于長安收郡五十七猛留鎮鄴

辛未 晉桓溫平壽陽獲袁瑾以歸廢其君奔為海西王立會稽王昱改元咸安是謂文帝溫稱丞相鎮姑熟專制殺太宰

武陵王晞新蔡王晃仍降海西王為公及害其二子與母

壬申 晉命百濟餘句為鎮東將軍領樂浪守庾希以海陵叛入于京口文帝昱終于曜嗣是謂武帝桓溫還姑熟秦王猛

平慕容桓于遼東滅仇池公楊世于秦州

癸酉 晉改元寧康大司馬桓溫卒太后稱制王彪之為尚書令謝安為尚書僕射專政張天錫貢方物秦拔晉成都及梓

潼

甲戌

晉相石破秦軍于墊江張育稱王于蜀秦復平之

乙亥

秦大將軍王猛卒

丙子

晉改元太元加元服皇太后委政桓冲桓豁為將軍謝安為尚書監錄尚書事秦滅前凉徙張天錫于姑臧又平朔方獲拓跋什翼犍徙之長安

丁丑

晉秦二國抗衡天下

戊寅

晉作新宮

己卯

晉敗秦軍于淮南秦拔晉襄陽

庚辰

晉李遜以交趾叛秦苻洛以和龍叛

辛巳

晉謝石為尚書僕射桓石攻秦有功四夷六十二國脩貢于秦

壬午

晉伐蜀敗秦軍于武當秦苻堅舉國南伐晉謝安師謝琰謝文相冲桓伊大敗秦師于淝水進圍洛陽秦苻堅喪師壽春苻融沒于戰諸將咸叛慕容垂稱王滎陽北居中山國曰燕元曰燕元是謂後燕苻丕于鄴句町翟真以行唐叛仇池楊世入于晉

癸未

晉假謝安黃鉞都督軍事鎮廣陵領荆南十五州復襄陽秦苻劬以青州降秦苻堅來乞師遣劉牢之救鄴秦將姚萇稱王萬年國曰秦元曰建初是謂後秦慕容冲稱王阿房慕容泓稱王華池慕容永稱王長子吕光稱王酒泉萇冲兵玄逼長安燕北伐高句麗復遼東故地

甲申

晉謝安救秦至于長安復洛陽以還卒秦苻堅沒于姚萇子丕自鄴攻晉陽稱帝改元太安慕容冲屠長安秦將乞伏國仁稱牧洮平國曰秦元曰建義是謂西秦燕慕容垂南平鄴徙都之秦姚萇獲苻堅于五將山歸殺之于新市

乙酉

是年冒頓拓跋什翼珪稱王定襄之成樂國曰魏元曰登國是謂後魏道武皇帝

丙戌

秦苻丕為慕容永所敗走晉東桓為晉將馮該所殺其眾奔杏城苻登稱帝隴東改元太初苻堅將呂光稱牧姑臧國曰涼元曰太安是謂後涼燕慕容垂稱帝于鄴改元建興慕容冲為將段木延所害其眾奔垂慕容永稱帝長子秦姚萇稱帝徙居長安改元建初

丁亥

晉以子德宗為太子敗翟遼于洛口秦苻登東攻姚萇封乞伏國仁為苑川王

戊子

秦苻登攻姚萇不利秦乞伏國仁卒弟乾歸立稱河南王改元太初徙都金城

己丑

晉陸納為尚書令彭城妖賊亂翟遼圍滎陽秦姚萇西攻苻登涼呂光稱三河王改元麟嘉

庚寅

晉敗翟遼于滑臺永嘉寇亂秦苻登攻姚萇不利

辛卯

晉王珣為左僕射謝琰為右僕射

壬辰

晉蔣詵以青州亂慕容垂平句町翟釗于滑臺西秦乞伏乾歸開地至巴及隴

癸巳

秦苻登攻姚萇不利秦姚萇卒子興繼去帝稱王

